



TE PUKAPUKA POUAKO

NGĀ MAHI A TE RĒHIA



TE KAUPAE 1

92064 | Te whakamahi i ngā āhuatanga toi rēhia kia puta ai he mahinga toi.
(Ngā Whiwhinga: E 4)

Te Rā Tuku Aromatawai ā-Waho: Te Wāhanga 4– I mua i te 28 o Oketopa, 2026

NZQA

Mana Tohu Mātauranga o Aotearoa
New Zealand Qualifications Authority

Te Whārangi Ihirangi

He Kete Manarua.....	2
92064 Te whakamahi i ngā āhuetanga toi rēhia kia puta ai he mahinga toi	
Te Tūmahi Aromatawai ā-Waho	4
Ngā Tohutohu.....	4
Tūmahi (1)	4
Tūmahi (2).....	4
Tūmahi (3).....	4
Te Paerewa Paetae	5
Te Tautuhinga Aromatawai ā-Waho.....	8
Te Whakatakotoranga Aromatawai ā-waho	8
Ngā Herenga Aromatawai ā-Waho.....	9
Te Motuhēhē o ngā mahi o ngā ākongā	9
Te Mahere Aromatawai ā-Waho	11



He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuetanga. Ko ngā taonga tuku iho ka kohikohia e te ākongā, ka tahi. Ka rua, ko te whakapiki i te mana motuhake o te ākongā, o ōna hapū, o ōna iwi hoki.

He tāpaetanga ā-matihiko te āhua o te KETE MANARUA ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.

He mihi ki te kaihangā o te mahinga toi kei te uhi mua. I whakaaturia te taonga i te Ringa Toi Exhibiton 2024.
Collins, Cleo. (2024) *Te Mana o te Rōpū*. Marlborough Girls' College.



Ngā Mahi a te Rēhia

92064 Te whakamahi i ngā āhuatanga toi rēhia kia puta ai he mahinga toi

(Te Kaupae 1, Ngā Whiwhinga: E 4)

Kairangi	Kaiaka	Paetae
Ka whakamahi i ngā āhuatanga toi rēhia e whai tikanga ana kia puta ai he mahinga toi.	Ka whakamahi i ngā āhuatanga toi rēhia e whaitake ana kia puta ai he mahinga toi.	Ka whakamahi i ngā āhuatanga toi rēhia kia puta ai he mahinga toi.

Te Tūmahi Aromatawai ā-Waho

Ngā Tohutohu

E toru ngā wāhanga o te aromatawai-ā-waho nei.

Tūmahi (1)

Rangahaua tētahi tauira toi rēhia, ā, āta wetewetehia ngā kōrero o te tauira rēhia, me te tīpako i ngā huānga matua e toru neke atu rānei.

Tūmahi (2)

Tūhuratia ngā huānga toi rēhia i rangahau ai, āta whakamāramahia mai ngā pitopitonga kōrero katoa.

Whakamāramahia ngā huānga rēhia kei roto i te tauira rēhia.

- Tūhuratia ngā huānga toi rēhia o te tauira rēhia, ka whakamārama, mā te 'tuhinga', mā te 'hopunga reo rānei', arā:
- Ko wai te kaitito? Nō hea ia?
- He aha te kaupapa matua o te tauira rēhia i tīpakohia e koe?
- He aha ngā huānga toi rēhia i roto i tō tauira rēhia? Whakamārama mai.

Me 3 neke atu rānei ngā huānga toi rēhia me tīpakohia e te tauira.

Tūmahi (3)

Waihangatia he toi rēhia e whakatairanga mai i ngā huānga toi i rangahauatia e te ākongā. Tukuna mai ā-whitiata mai.

Me ako/waihanga te/ngā ākongā, me te tū ā-roopu, tū takitahi rānei ki te whakaatu i tētahi tauira toi rēhia.

- Kia kaua e iti iho i te (1) kotahi meneti te roa.
- Me whakauru/whakatairanga te ākongā i ngā huānga toi i rangahaua i roto i te tauira toi rēhia ka ngahautia e ia.
- Tuku ā-whitiata mai.

E tūwhera ana tēnei wāhanga ki ngā momo kaupapa katoa, pēnei i te kapa haka, te whakaari, te kanikani me ngā momo toi rēhia katoa.

- Kia 1–3 meneti te roa o te whakaaturanga ka tukuna mai, ā, tāpirihia mai hoki te tauākī whakamārama mō tāu i rangahau ai.
- Kia 150–200 ngā kupu o te kōrero whakamārama ā-tuhi, kia 1–2 meneti rānei te roa o te kōrero ā-waha.

Te Paerewa Paetae

Aronga	Ngā Mahi a te Rēhia 1.4	Putanga	3
Ingoa	Te whakamahi i ngā āhuatanga toi rēhia kia puta ai he mahinga toi		
Kaupae	1	Whiwhinga	4
		Aromatawai	Ā-waho
Marau akoranga	Te Marautanga o Aotearoa		
Kokonga akoranga	Ngā Mahi a te Rēhia		
Mana rēhita	Kua rēhitatia	Te rā i mana ai	Hakihea 2023
Te rā e arotakengia ai	Hakihea 2028	Te rā i puta ai	Hakihea 2023

Te Whāinga

Ko te whāinga o tēnei paerewa paetae he whakamahi i ngā āhuatanga toi rēhia kia puta ai he mahinga toi.

Paearu Paetae

Paetae	Hei tohu i te paetae: <ul style="list-style-type: none"> • Ka whakamahi i ngā āhuatanga toi rēhia kia puta ai he mahinga toi.
Kaiaka	Hei tohu i te kaiaka: <ul style="list-style-type: none"> • Ka whakamahi i ngā āhuatanga toi rēhia e whaitake ana kia puta ai he mahinga toi.
Kairangi	Hei tohu i te kairangi: <ul style="list-style-type: none"> • Ka whakamahi i ngā āhuatanga toi rēhia e whai tikanga ana kia puta ai he mahinga toi.

Kōrero Āpiti

- 1 I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Ngā Toi kei: <https://ncea.education.govt.nz>

Whāinga Paetae

Ka tūhura, ka whakamahi, ka whakawhanake mōhio, ka whakamārama:

- i tā te tinana me te reo whakatau i roto i ngā horopaki huhua.

2 E whai ake nei ngā whakamārama mō ngā paearu paetae:

<i>Ka whakamahi i ngā āhukatanga toi rēhia kia puta ai he mahinga toi.</i>	Ka kōwhiri, ka whai i ngā āhukatanga toi rēhia e hāngai ana ki te horopaki.
<i>Ka whakamahi i ngā āhukatanga toi rēhia e whaitake ana kia puta ai he mahinga toi.</i>	Ka kōwhiri, ka whai i ngā āhukatanga toi rēhia e whaitake ana ki te horopaki.
<i>Ka whakamahi i ngā āhukatanga toi rēhia e whai tikanga ana kia puta ai he mahinga toi.</i>	Ka kōwhiri, ka whai i ngā āhukatanga toi rēhia e whai tikanga ana ki te horopaki.

3 E whai ake nei ngā whakamārama mō ngā kupu me ngā kīanga whaitake matua o te paerewa nei:

<i>āhukatanga toi</i>	<p>Ngā āhukatanga katoa e hāngai ana ki te mahi waihanga toi rēhia, arā:</p> <ul style="list-style-type: none"> • ngā ariā toi rēhia pēnei me te kōrero pūrākau, te whakapapa, te aronga ā-iwi • ngā tukanga toi rēhia pēnei me te rangahau, te whakarite, te whakamahere • ngā huānga toi rēhia pēnei me te nekehanga, te mokowā, te oro • ngā pūkenga toi rēhia pēnei me te arohaehae, te arotake, te manawanui • ngā nuka toi rēhia pēnei me te kura huna, te ngangahu, te poi, te wiri. <p>Ehara i te mea me mahi te katoa; ko te tikanga ia, kia kōwhiria ngā āhukatanga e hāngai ana ki te horopaki.</p>
<i>mahinga toi</i>	He mahinga toi motuhake, he kohikohinga, he tauira hukihuki, he tāruatanga rānei nā te ākongā anō i waihanga.
<i>hāngai</i>	Ka kitea te hononga ki te kaupapa.
<i>whaitake</i>	Ka āta whakaarohia, ka tūhonoa atu ki te kaupapa kia kitea ai tōna take.
<i>whai tikanga</i>	Ka āta wānangahia, ka kōtuituia kia kitea ai tōna tikanga.

4 Arā ngā Tikanga Aromatawai mō tēnei paerewa paetae, kei:

<https://ncea.education.govt.nz>

5 Kuputaka

āhuatanga	<i>aspect, characteristic</i>
ariā	<i>concept, theme, idea</i>
tukanga	<i>process</i>
huānga	<i>element</i>
pūkenga	<i>skill</i>
nuka toi	<i>Māori arts feature</i>
mahinga toi	<i>original art work</i>
hāngai	<i>appropriate, connected to</i>
whaitake	<i>relevant, valid</i>
whai tikanga	<i>meaningful, purposeful</i>
kohikohinga	<i>series</i>
tauirā hukihuki	<i>draft, series of drafts</i>
tāruatanga	<i>cover, rendition</i>

Kōrero Whakakapinga

I whakakapingia ngā paerewa 91690-91697 e ngā paerewa 92060, 92062-92064.

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233

Te Tautuhinga Aromatawai ā-Waho



Te Paerewa Paetae	92064
Te Ingoa o te Paerewa Paetae	Te whakamahi i ngā āhuatanga toi rēhia kia puta ai he mahinga toi
Ngā whiwhinga	E 4
Te Marau	Te Marautanga o Aotearoa: Ngā Mahi a te Rēhia
Te Wāhanga Ako	Te Tukutuku Ako
Te Tukanga Aromatawai ā-Waho	He Kete Manarua
Ngā Momo Tāpaetanga ā-Matihiko	He konae tuhituhi – .PDF (5–20 whārangi) He kiriata – .mp4 .mov (<5GB)
Te Rā Tuku Aromatawai ā-Waho	Hei te 28 o Oketopa 2026
Ngā Wātaka Aromatawai ā-Waho	1. NCEA and School Assessment Timetable 2026 2. 2026 Examination Timetable dates and intra-year Assessment Timetable

Te Whakatakotoranga Aromatawai ā-waho

Ka aromataihia tētahi mahinga toi rēhia nā te ākonga anō i waihanga, waihoki ko tā te ākonga i whakamahi ai, ko tā te ākonga i whakahono ai i ngā āhuatanga toi rēhia ki te kaupapa o te mahinga toi rēhia.

Kāore e aromatawaihia tētahi rātaka, kāore hoki e aromatawaihia ana ētahi whakamāramatanga rānei heoi, ki te tuku mai te ākonga i ētahi whakamārama hei tautoko i te kaupapa o te mahi ko te painga atu tērā.

Ka whakaemi te ākonga i ngā mahi katoa, ka whakaraupapa ai hei taunakitanga mō te Kete Manarua nei:

- He whakaaturanga, he kiriata rānei o te mahinga toi rēhia nā te ākonga i waihanga.
- He whakamārama hei tautoko i te kaupapa o te mahinga toi rēhia - he kōrero whakamārama rānei (ka tāpirihia ki te whakaaturanga, kiriata rānei), he tuhinga whakamārama rānei (ka tāpirihia hei PDF, kia tuku kotahi mai me te whakaaturanga, kiriata rānei).

Ka whakaaturia ngā mahi mā ngā ata e toru.

1. Kei te ata tuatahi, ko te tau ākonga ā-motu (NSN) a te ākonga.
2. Kei te ata tuarua, ko te whakaaturanga, ko te kiriata rānei o te mahinga toi rēhia a te ākonga.
3. Kei te ata tuatoru tētahi tauākī whakamārama ā-reo arataki, ā-tuhinga whakarāpopoto rānei.

Tēnā tirohia te Kete Manarua i te paetukutuku nei - [He Kete Manarua](#).

E whakaatu ana te Kete Manarua i t/ētahi tauira hei kōwhiringa mā te kaiako. Mā te kaiako tonu e whiriwhiri mēnā rānei ka whakamahia te/ngā tauira nei, ka whakamahia rānei he mahi whakaharatau, ka whakaritea rānei he Tūmahi Aromatawai anō hei whai mā te ākonga.

Ngā Herenga Aromatawai ā-Waho

He mahi takitahi tēnei mahi me te whakatakoto taunakitanga mō te aromatawai ā-waho mā te ākonga. Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kua e noho tītaha, e huripoki rānei);
- me tāmau te kiriata ki te tītohunga ata, otirā, kāore e whakaetia ana te tukunga o te honongaitua i tōna kotahi.

[Using the new digital submission portal.](#)

Te Motuhēhē o ngā mahi o ngā ākonga

Me pēhea e mōhiotia ai te motuhēhē o ngā mahi a ngā ākonga? He tukanga, he taunakitanga me whai, e mōhiotia ai nā te ākonga ake āna mahi aromatawai ā-waho. Kia mataara ngā ākonga, ngā kaiako me te whānau hoki o te kura ki te motuhēhē o ngā mahi a ngā ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākonga.

Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:
 - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
 - » ngā pukapuka i whakaputaina;
 - » ngā pukapuka kāore anō i whakaputaina;
 - » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): [Tāpaetanga pūnaha hou a MyNZQA](#).

Kāore te Kete Manarua matihiko e whakahokia ki te ākongā. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a assessment.servicecentre@nzqa.govt.nz,
- waeahia rānei te NZQA Contact Centre i te 0800 687 296.

Te Mahere Aromatawai ā-Waho

Ngā Mahi a te Rēhia 92064: Te whakamahi i ngā āhuatanga toi rēhia kia puta ai he mahinga toi

Kairangi (KR)	Kaiaka (KA)	Paetae (P)
Ka whakamahi i ngā āhuatanga toi rēhia e whai tikanga ana, kia puta ai he mahinga toi.	Ka whakamahi i ngā āhuatanga toi rēhia e whai take ana, kia puta ai he mahinga toi.	Ka whakamahi i ngā āhuatanga toi rēhia kia puta ai he mahinga toi.

Te Taunaki i te Aromatawai

KR8	KR7	KA6	KA5	P4	P3	KW2	KW1
Kua whai wāhi mai anō hoki ōna ake whakaaro me ngā kare ā-roto i tana rangahau i ngā āhuatanga toi rēhia.	Kua auaha te whakatakoto i ngā whakaaro, kua mārama hoki te kite i te hononga o ngā āhuatanga toi rēhia ki te horopaki.	Kua whānui te whakaputa whakaaro ki ngā āhuatanga toi rēhia kua tautohua. E kaha kitea ana te whai hononga me te whai aronga anō hoki i te horopaki o te mahi.	Kua mārama te kite kua whai hononga ngā āhuatanga toi rēhia i ki te horopaki o te mahi.	Kua tautohu he āhuatanga toi rēhia, ā, kua whakamāramahia.	Kua whakamahere mai i ētehi whakaaro i roto i tētahi tuhinga poto, ā, kua tautohua he āhuatanga toi rēhia.	Kei reira tētahi whakaaro e hāngai ana ki ngā mahi, heoi, me whai tohutohu kia hua mai ai he mahinga toi.	Kāore he āhuatanga toi rēhia hāngai ki te horopaki.
Kua mārama te tautohutia o ngā āhuatanga toi rēhia, kua mārama hoki tana whakaraupapa mai i ōna whakaaro, ā, kua matapakihia ēnei kia tika ai te whakaatu atu i tana mārama ki ngā āhuatanga toi rēhia kia whai hononga, kia whai aronga, kia whaihua anō hoki i roto i te horopaki o te mahi.	Kua whai hononga, kua whai aronga, ā, kei te āhua kite i te whaihua o ngā āhuatanga toi rēhia kua tautohua i roto i te horopaki o te mahi.	Kua āta tautohua ngā āhuatanga toi rēhia e pai ai te whakaatu māramatanga.	Kua whai aronga anō hoki i roto i te horopaki o ngā mahi.	Kua whai hononga te āhuatanga toi rēhia ki te horopaki o te mahi.	Kua tautohua he āhuatanga toi rēhia, ā, i āhua whai hononga ki te horopaki o te mahi.	He taunakitanga kotahi.	Kāore he paku taunaki e tohu ana i ngā hiahia o te paerewa.

<p>Kua whakamāramahia, ā, kua whakatauritehia te āhua o ngā āhuatanga toi rēhia.</p>	<p>Kua rangahaua e te Ākonga te tikanga o ngā āhuatanga toi rēhia i tautohua e ia. Ko tana tuhinga e whakaatu ana i tana tirohanga whānui ki te aromatawai.</p>						
--	---	--	--	--	--	--	--

KWO = Kāore he paku hāngaitanga